



SLUŽBENI

GLASNIK

OPĆINE/OPŠTINE BOSANSKI PETROVAC

Godina: 2023.
Broj:17/23

Datum: 17.11.2023.godine
Bosanski Petrovac

Izdanje na Bosanskom jeziku

I AKTI OPŠTINSKOG VIJEĆA

Na osnovu člana 13. Zakona o principima lokalne samouprave u Federaciji BiH („Službene novine Federacije BiH”, broj:49/06 i 51/09), člana 115.stav 1. tačka 3. Zakona o organizaciji organa uprave u FBiH („Službene novine FBiH, broj 35/05.) i člana 25. Statuta općine Bosanski Petrovac-prečišćen tekst („Službeni glasnik općine Bosanski Petrovac”, broj 7/08), Općinsko vijeće na nastavku 31. redovne sjednice održane dana 13.11.2023. godine d o n o s i:

REZOLUCIJU

o korištenju poljoprivrednog i šumskog zemljišta na području općine Bosanski Petrovac nad kojim je lokalna zajednica djelomično ili isključivo nadležna ili nad njim polaže neko stvarno pravo

I

Uvažavajući činjenice:

- da su šume, šumsko i poljoprivredno zemljište, izuzev dobara u privatnom vlasništvu, opšte dobro i od interesa za sve građane Bosne i Hercegovine, a tako i građane Bosanskog Petrovca;
- da

nije uspostavljen funkcionalan monitoring dodjele, procesa koncesije, prava služnosti, korištenja, raspolaganja i dodjele, te i zakupa šumskog i poljoprivrednog zemljišta u svrhu građenja i prenosa vlasništva;

- da se nadležnosti institucija općine/opštine, Unsko-sanskog kantona, Federacije BiH i Bosne i Hercegovine preklapaju i nije precizno određeno upravljanje šumskim i poljoprivrednim zemljištem, da su ustavne i zakonske nadležnosti podijeljene ili isključivo u nadležnosti jednog nivoa vlasti.
- da se u posljednje vrijeme dešavaju česte zloupotrebe na uštrb šumskog i poljoprivrednog zemljišta;
- da je interes lokalne zajednice i građana Bosanskog Petrovca ispred bilo kakvog privatnog interesa;
- da je prisutno nezadovoljstvo uzrokovano selektivnim rješavanjem problema u vezi sa šumskim i poljoprivrednim zemljištem na geografskom području opštine Bosanski Petrovac.

*Općinsko vijeće ovom Rezolucijom izražava
svoje programsko opredjeljenje i
svoj stav i uređuje ovo pitanje na način da*

ZABRANJUJE se dodjela na UPRAVLJANJE, RASPOLAGANJE, KORIŠTENJE, DODJELA KONCESIJE, PRAVA SLUŽNOSTI I ZAKUPA ŠUMSKOG I POLJOPRIVREDNOG ZEMLJIŠTA, te dodjela prava iz člana 1. stav 2. Zakona o stvarnim pravima FBiH („Službene novine Federacije BiH», broj 66/13 i 100/13.), tj. (davanje radi sticanja prava vlasništva, pravo građenja, založno pravo, zemljišni dug, pravo stvarne i lične služnosti i pravo stvarnog tereta.) NA PODRUČJU OPĆINE/OPŠTINE BOSANSKI PETROVAC BEZ PRETHODNE SAGLASNOSTI OPĆINSKOG/OPŠTINSKOG VIJEĆA, gdje je Opštinsko vijeće po zakonu nadležno da se prethodno očituje i rješava po tom pitanju u skladu sa svojim ustavnim, zakonskim i statutarnim nadležnostima.

II

Nalaže se svim zainteresovanim pravnim i fizičkim licima, organu uprave, javnim preduzećima i javnim ustanovama striktno poštivanje ovog akta.

Ovu rezoluciju objaviti i obznaniti građanima putem radija, web stranice općine/opštine i drugim dostupnim komunikacionim kanalima, za šta su zadužene Stručna služba za poslove OV i JU „Centar za kulturu i obrazovanje“ Bosanski Petrovac.

III

Organ uprave, javne ustanove i institucije kojima je osnivač općinsko/opštinsko vijeće, druga pravna i fizička lica sa područja Bosanskog Petrovca, kao i ona koja u Bosanskom Petrovcu realizuju određene aktivnosti, interese i projekte, dužna su obavijestiti općinsko/opštinsko vijeće Bosanski Petrovac o svakom kršenju ove Rezolucije.

IV

Ova Rezolucija stupa na snagu danom donošenja i ima se objaviti u Službenom glasniku općine/opštine Bosanski Petrovac.

Predsjedavajući OV

Nemanja Davidović

Broj: 02/1-20-1941- 4/23

Datum: 13.11. 2023. Godine

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“ broj:8/11) i člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“ broj: 7/08), Općinsko/Opštinsko vijeće na nastavku XXXI redovne sjednice održane dana 13.11.2023. godine d o n o s i:

R J E Š E N J E

o imenovanju člana Komisije za izbor i imenovanje direktora i članova Upravnih i Nadzornih odbora JU i JP čiji je osnivač Općina/Opština Bosanski Petrovac

Član 1.

Jusuf Ramić, imenuje se za člana Komisije za izbor i imenovanje direktora i članova Upravnih i Nadzornih odbora JU i JP čiji je osnivač Općina/Opština Bosanski Petrovac.

Član 2.

Ovo rješenje stupa na snagu danom donošenja i ima se objaviti u „Službenom glasniku Općine/Opštine Bosanski Petrovac“.

Predsjedavajući OV-a

Nemanja Davidović

Broj: 02/1-30-1957-14/23

Datum: 13.11.2023. godine

Na osnovu člana 21. Zakona o lokalnoj samoupravi Unsko sanskog kantona ("Službeni glasnik Unsko sanskog kantona" broj:8/11) člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 – prečišćen tekst) i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac broj: 6/23 – prečišćen tekst), Općinsko/Opštinsko vijeće na nastavku XXXI redovne sjednice održane dana 13.11.2023. godine, donosi:

ZAKLJUČAK

Član 1.

Opštinsko vijeće izražava svoje žaljenje što u ovom trenutku nije u mogućnosti da popuni u potpunosti sastav Komisije za izbor i imenovanje direktora i članova Upravnih odbora i Nadzornih odbora Javnih ustanova i Javnih preduzeća čiji je osnivač Općina/Opština Bosanski Petrovac.

Član 2.

Opštinsko vijeće je na nastavku XXXI Redovne sjednice nudilo svim prisutnim državnim službenicima da ih imenuje i tako popuni pomenutu Komisiju, međutim nije naišlo na saglasnost sa druge strane. Također se konstatuje da je načelnik Opštine prisustvovao sjednici i nije predložio nikog od strane državnih službenika iz organa uprave Opštine Bosanski Petrovac.

Član 3.

Ovaj Zaključak stupa na snagu danom donošenja i ima se objaviti u „Službenom glasniku“ Općine/Opštine Bosanski Petrovac“.

Predsjedavajući OV
Nemanja Davidović
Broj: 02/1-30-1957-15/23
Datum: 13.11.2023. godine

Na osnovu člana 21. Zakona o lokalnoj samoupravi Unsko- sanskog kantona („Službeni glasnik Unsko-sanskog kantona“ broj:8/11) i člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“ broj: 7/08), Općinsko/Opštinsko vijeće na nastavku XXXI redovne sjednice održane dana 13.11.2023. godine d o n o s i:

RJEŠENJE

o imenovanju člana Komisije ispred Općinskog/Opštinskog vijeća za dodjelu sušare na korištenje po Javnom pozivu

Član 1.

Emir Bilić, imenuje se za člana Komisije ispred Općinskog/Opštinskog vijeća za dodjelu sušare na korištenje po Javnom pozivu.

Član 2.

Imenovani je dužan dostaviti Izvještaj o svom radu ovom organu.

Član 3.

Ovo rješenje stupa na snagu narednog dana od dana objave u „Službenom glasniku Općine/Opštine Bosanski Petrovac“

Predsjedavajući OV
Nemanja Davidović
Broj: 02/1-19-2341-14/23
Datum: 13.11.2023. godine

Na osnovu člana 21. Zakona o lokalnoj samoupravi Unsko sanskog kantona ("Službeni glasnik Unsko sanskog kantona" broj:8/11), člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 prečišćen - tekst), člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac broj: 6/23 prečišćen - tekst), i na osnovu izvještaja Komisije za

izlaganje podataka K.O. Medeno polje broj: 04-27-1888-2/23 od 30.10.2023. godine, Općinsko/Opštinsko vijeće na nastavku XXXI redovne sjednice održane dana 13.11.2023. godine, donosi:

ZAKLJUČAK

Član 1.

Usvaja se izvještaj Komisije za izlaganje podataka K.O. Medeno polje za mjesec oktobar broj: 04-27-1888-2/23 od 30.10.2023. godine.

Član 2.

Ovaj Zaključak stupa na snagu sljedećeg dana od dana objave u „Službenom glasniku Općine/Opštine Bosanski Petrovac.

Predsjedavajući OV

Nemanja Davidović

Broj: 02/1-27-1887-3/23

Datum: 13.11.2023. godine

Na osnovu člana 66. Zakona o građevinskom zemljištu Federacije Bosne i Hercegovine (Sl. Novine FBiH br.25/03 i 67/05), člana 30. Odluke o građevinskom zemljištu (Službeni glasnik Općine Bosanski Petrovac broj: 1/16- prečišćen tekst), te člana 25. Statuta Općine Bosanski Petrovac („ Službeni glasnik Općine Bosanski Petrovac“ broj: 7/08) Općinsko vijeće na nastavku XXXI redovne sjednice održane dana 13.11.2023. godine, donosi:

O D L U K U

o utvrđivanju prosječne konačne građevinske cijene 1m² korisne stambene površine na području Općine/ Opštine Bosanski Petrovac za 2024. godinu

Član 1.

Cijena 1m² izgrađenog stambenog prostora u državnoj svojini na području Općine/Opštine Bosanski Petrovac , za 2024.godinu iznosi 800,00 KM/m².

Član 2.

Ovu Odluku dostaviti Službi za prostorno uređenje, katastar i imovinsko-pravne poslove i Službi za stambeno komunalnu djelatnost, vodoprivredu i zaštitu okoliša na dalju primjenu.

Član 3.

Odluka stupa na snagu danom donošenja i ima se objaviti u „Službenom glasniku Općine/Opštine Bosanski Petrovac.

Član 4.

Stupanjem na snagu ove Odluke prestaje da važi Odluka općinskog vijeća Bosanski Petrovac o utvrđivanju prosječne konačne građevinske cijene iz prethodne godine 1m², korisne stambene površine na području opštine Bosanski Petrovac za 2023. godinu broj:02/1-19-2053-3/22 od 16.11.2022 godine.

Predsjedavajući OV

Nemanja Davidović

Broj: 02//1-19-1959-3/23

Datum: 13.11.2023. godine

Na osnovu člana 47. Zakona o komunalnim djelatnostima („Službeni glasnik USK-a“ broj:4/11, 11/11, 6/12, 13/12, 8/15 i 14/17), člana 12. Odluke o komunalnoj naknadi („Službeni glasnik Općine Bosanski Petrovac broj: 9/19, 3/21 i 6/21) i čl. 25. Statuta Općine/Opštine Bosanski Petrovac-prečišćen tekst («Službeni glasnik Općine/Opštine,) Bosanski Petrovac», broj:7/08), Općinsko vijeće Općine Bosanski Petrovac na nastavku 31. redovne sjednice održane dana 13.11.2023. godine, donijelo je

O D L U K U

o utvrđivanju vrijednosti boda za obračun komunalne naknade na području Općine Bosanski Petrovac za 2024. godinu

ZAKLJUČAK

Član 1.

Utvrđuje se vrijednost obračunske jedinice – boda (VB) za obračun komunalne naknade na području općine Bosanski Petrovac u 2024. godini u iznosu od 0,008 KM/m².

Član 2.

Osnov za utvrđivanje vrijednosti boda iz člana 1. Odluke je Program obavljanja komunalnih djelatnosti iz oblasti zajedničke komunalne potrošnje.

Član 3.

Stupanjem na snagu ove Odluke prestaje da važi Odluka o utvrđivanju vrijednosti boda komunalne naknade u Općini Bosanski Petrovac („Službeni glasnik Općine Bosanski Petrovac“, broj: 26/22).

Član 4.

Ova Odluka stupa na snagu danom objavljivanja u „Službenom glasniku Općine Bosanski Petrovac“ a primjenjivat će se od 01.01.2024. godine.

Predsjedavajući OV
Nemanja Davidović

Broj: 02/1-19-1963-3/23

Datum: 13.11.2023. godine

Na osnovu člana 21. Zakona o lokalnoj samoupravi Unsko sanskog kantona („Službeni glasnik Unsko sanskog kantona“ broj:8/11) člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 – prečišćen tekst) i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac broj: 6/23 –prečišćen tekst), Općinsko/Opštinsko vijeće na nastavku XXXI redovne sjednice održane dana 13.11.2023. godine, donosi:

Član 1.

Vraća se „Odluka o načinima i uslovima raspolaganja nekretninama u vlasništvu općine Bosanski Petrovac“ i to:

-k.č 53/59-15 K.O Petrovac PL 397 naziv parcele “dolovi”, u površini 3323 m² u vlasništvu općine

Bosanski Petrovac;

-k.č 53/59-19 K.O Petrovac PL 397 naziv parcele “dolovi”, u površini 5900 m² u vlasništvu općine

Bosanski Petrovac;

-k.č 53/59-20 K.O Petrovac PL 397 naziv parcele “dolovi”, u površini 1725 m² u vlasništvu općine

Bosanski Petrovac i

-k.č 1551/35 K.O Petrovac PL 318 naziv parcele “bolnica” građevinska parcela, u površini 585 m² u vlasništvu općine Bosanski Petrovac Službi za prostorno uređenje, katastar i imovinsko – pravne odnose na doradu.

Odluku je potrebno doraditi u skladu sa primjedbama i sugestijama iznesenim na nastavku XXXI redovne sjednice Općinskog/Opštinskog vijeća Općine/Opštine Bosanski Petrovac.

Član 2.

Ova Odluka razmatraće se na nekoj od narednih sjednica Općinskog/Opštinskog vijeća.

Član 3.

Ovaj Zaključak stupa na snagu narednog dana od dana objave u „Službenom glasniku“ Općine/Opštine Bosanski Petrovac“.

Predsjedavajući OV
Nemanja Davidović

Broj: 02/1-27-1961-4/23

Datum: 13.11.2023. godine

Na osnovu člana 21. Zakona o lokalnoj samoupravi Unsko sanskog kantona ("Službeni glasnik Unsko sanskog kantona" broj:8/11) člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 – prečišćen tekst) i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac broj: 6/23 – prečišćen tekst), Općinsko/Opštinsko vijeće na nastavku XXXI redovne sjednice održane dana 13.11.2023. godine, donosi:

ZAKLJUČAK

Član 1.

Informacija o izvršenju budžeta za period 01.01. – 30.09.2023. godine nije dobila potrebnu većinu glasova, te stoga nije usvojen.

Član 2.

Ovaj Zaključak stupa na snagu sljedećeg dana od dana objave u „Službenom glasniku“ Općine/Opštine Bosanski Petrovac“.

Predsjedavajući OV
Nemanja Davidović
Broj: 02/1-19-1951-3/23
Datum: 13.11.2023. godine

Na osnovu člana 21. Zakona o lokalnoj samoupravi Unsko sanskog kantona ("Službeni glasnik Unsko sanskog kantona" broj:8/11) člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 – prečišćen tekst) i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac broj: 6/23 – prečišćen tekst), Općinsko/Opštinsko vijeće na nastavku XXXI redovne sjednice održane dana 13.11.2023. godine, donosi:

ZAKLJUČAK

Član 1.

Opštinsko vijeće uvažava mišljenje Komisije za budžet i finansije koje je iznio na nastavku XXXI redovne sjednice predsjednik Komisije za budžet i finansije gospodin Jasmin M Mešić i prihvata ga kao svoje, te Nacrt budžeta Opštine Bosanski Petrovac za 2024. godinu vraća na doradu u skladu sa diskusijama iznesenim na nastavku XXXI redovne sjednice Općinskog/Opštinskog vijeća.

Član 2.

Ovaj Zaključak stupa na snagu danom donošenja i ima se objaviti u „Službenom glasniku“ Općine/Opštine Bosanski Petrovac“.

Predsjedavajući OV
Nemanja Davidović

Broj: 02/1-11-1947-7/23
Datum: 13.11.2023. godine

Na osnovu člana 21. Zakona o lokalnoj samoupravi Unsko sanskog kantona ("Službeni glasnik Unsko sanskog kantona" broj:8/11) člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“, broj: 7/08 – prečišćen tekst) i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac broj: 6/23 – prečišćen tekst), Općinsko/Opštinsko vijeće na nastavku XXXI redovne sjednice održane dana 13.11.2023. godine, donosi:

ZAKLJUČAK

Član 1.

Opštinsko vijeće obzirom na činjenicu da je Nacrt budžeta Opštine za 2024. godinu vraćen na doradu, vraća na doradu i Nacrt

Odluke o izvršavanju budžeta Općine/Opštine
za 2024. godinu.

Član 2.

Ovaj Zaključak stupa na snagu danom
donošenja i ima se objaviti u „Službenom
glasniku” Općine/Opštine Bosanski
Petrovac“.

Predsjedavajući OV
Nemanja Davidović
Broj: 02/1-11-1949-3/23
Datum: 13.11.2023. godine

Na osnovu člana 52. stav.1. tačka 4. Zakona
o organizaciji organa uprave u F
BiH(“Službene novine F BiH broj: 35/05), a u
vezi sa Presudom Ustavnog suda broj: U-
12/22 od 12.10.2022. godine (Sl. novine F
BiH broj: 88/22), člana 25. Statuta
Općine/Opštine Bosanski Petrovac („Službeni
glasnik Općine/Opštine Bosanski Petrovac“,
broj: 7/08 prečišćen - tekst), člana 105.
Poslovnika o radu Općinskog/Opštinskog
vijeća („Službeni glasnik Općine/Opštine
Bosanski Petrovac broj: 6/23 prečišćen -
tekst) Općinsko/Opštinsko vijeće na nastavku
XXXI redovne sjednice održane dana
13.11.2023. godine, donosi:

ZAKLJUČAK

Član 1.

Prijedlog Pravilnika o izmjeni i dopuni
Pravilnika o unutrašnjoj organizaciji
Jedinstvenog općinskog organa uprave
Općine Bosanski Petrovac broj: 01-11-2213-
3/23 od 01.11.2023. godine, nije dobio
potrebnu većinu glasova

Član 2.

Ovaj Zaključak stupa na snagu danom
donošenja i ima se objaviti u „Službenom
glasniku Općine/Opštine Bosanski Petrovac.
Predsjedavajući OV

Nemanja Davidović
Broj: 02/1-30-2230-2/23
Datum: 13.11.2023. godine

Na osnovu člana 49. Zakona o organizaciji
organa uprave u FBiH («Službene novine
Federacije Bosne i Hercegovine», broj 35/05)
člana 25. Statuta općine /opštine Bosanski
Petrovac - prečišćen teksti („Službeni glasnik
općine/opštine,broj:7/08, a u vezi sa članom
45. Stav 1. člana 153. Poslovnika o radu
Općinskog vijeća-prečišćen tekst („Službeni
glasnik Općine Bosanski petrovac“ broj
06/23) komisija za Statut i propise, **u t v r đ u
j e:**

Prečišćen tekst

ODLUKE

O PRIVREMENOM KORIŠTENJU JAVNIH POVRŠINA I VISINI NAKNADE NA PODRUČJU OPĆINE BOSANSKI PETROVAC

I OPĆE ODREDBE

Član 1.

Ovom Odlukom određuju se opći uslovi za
davanje na privremeno korištenje (u daljem
tekstu: korištenje) javnih površina na području
općine, Bosanski Petrovac kao i visini
naknade za korištenje istih.

Pod privremenim korištenjem podrazumijeva
se pravo postavljanja objekata na dijelu javne
površine na određeno vrijeme, na način koji
ne utiče na promjenu karaktera javne
površine.

Član 2.

Javnim površinama u smislu ove Odluke
smatraju se površine zemljišta koje su
namijenjene općoj upotrebi a to su:

- Javne saobraćajne površine: ulice,
ceste, raskrsnice, javna parkirališta,
trotoari, staze;
- javne zelene površine: parkovi, živice i
žive ograde, travnjaci, dječja
igrališta, sjetvene površine, zelene
površine uz cestu i ostale slične
površine;
- peroni na autobuskoj stanica i
zemljište oko njih,

- otvoreni pijačni i tržni prostori oko prodajnih objekata;
- uređene rekreacione površine, sportska igrališta te ostali javni sportski objekti i uređaji na njima kao i prostori povezani sa tim terenima i prostor oko njih;
- neuređene javne površine i prostori.

Član 3.

Pod korištenjem javnih površina u smislu ove Odluke smatra se:

- postavljanje tipskih kioska ili montažnih objekata za prodaju novina, cigareta, pekarskih proizvoda, igara na sreću i za zadovoljenje potreba stanovništva u pogledu snabdijevanja namirnica, voćem i povrćem do 12 m²,
- postavljanje objekata tipa "kontejneri" koji služe kao magacinski prostori, za kancelarijske poslove i slično,
- postavljanje ljetnih bašti, tendi za pružanje ugostiteljskih usluga koji nisu sastavni dijelovi postojećih ugostiteljskih objekata i prostorija,
- postavljanje ljetnih bašti, tendi za pružanje ugostiteljskih usluga ispred ugostiteljskih objekata i prostorija,
- postavljanje tezgi, rashladnih uređaja, stolova za prodaju knjiga, cvijeća, štampe, ukrasnih predmeta, lutrije, kao i aparata za kokice i sladoled i slično čime se ne remete osnovni elementi korištenja javnih površina i ne ometa rad postojećih objekata,
- postavljanje građevinskih fasadnih skela, radovi na čišćenju i popravci vanjskih dijelova zgrada i njihovih uređaja, deponovanje građevinskog i drugog materijala i sirovina,
- postavljanje zabavnih parkova (ringišpil, luna park, cirkusni šatri) i drugih sportskih i zabavnih sadržaja,
- postavljanje reklamnih panoa samostalno ili na stupovima javne rasvjete,
- korištenje poligona za obuku vozača,
- prezentacije, degustacije i kulturne manifestacije,

- izlaganje i reklamiranje roba i usluga ispred poslovnih prostorija i objekata kao i izvan poslovnih prostora,
- postavljanje garaža
- javno okupljanje (predizborni mitinzi, organizovani protestni skupovi i slično),
- prekopavanje radi postavljanja, uklanjanja, izmjene i opravke oštećenih podzemnih instalacija,
- popravke i pranje motornih vozila ispred poslovnih objekata koji se bave tom djelatnošću i
- korištenje javne površine i na bilo koji drugi način, a u svrhu obavljanja privrednih i drugih djelatnosti (napr. betoniranje prilaza, ulaza, postavljanje obrađenog kamena i sl.)
- postavljanje štandova za prigodnu i sezonsku prodaju, prezentiranje i pružanje usluga.

Član 4.

Korisnik javne površine može istu koristiti samo u svrhe i način određen ovom Odlukom i u skladu sa odobrenjem za korištenje izdano od općinskog organa Službe za stambenu komunalnu djelatnost, vodoprivredu i zaštitu okoliša Općine Bosanski Petrovac.

Član 5.

Niko ne može početi koristiti javnu površinu prije nego pribavi odobrenje za korištenje i plaća redovno do 5. u mjesecu naknadu za korištenje.

Odobrenje za korištenje i potvrdu o uplaćenju naknadi korisnik je obavezan imati na licu mjesta tokom vremena korištenja javne površine.

Član 6.

Korisnik javne površine i objekta je istu obavezan održavati u uzornom redu i čistoći. Nakon prestanka korištenja korisnik je obavezan ukloniti sve tragove svog korištenja javne površine tj. treba je dovesti u stanje prije početka korištenja.

II ODOBRENJE O KORIŠTENJU JAVNE POVRŠINE

Član 7.

Korištenje javnih površina odobrava se na osnovu pojedinačnih zahtjeva.

Član 8.

Zahtjev za izdavanje odobrenja za korištenje javne površine podnosi se općinskom organu Službe za stambenu komunalnu djelatnost, vodoprivredu i zaštitu okoliša Općine Bosanski Petrovac

Član 9.

Rješenje o odobrenju za korištenje dijela javne površine ne može se izdati prije nego što podnosilac zahtjeva dostavi:

- dokaz o izmirenim obavezama za prethodnu godinu po osnovu korištenja javne površine,
- urbanističku suglasnost samo onda ako se javna površina koristi za postavljanje privremenih objekata ili drugih konstrukcija u prostoru.

Član 10.

Zahtjev za izdavanje odobrenja za korištenje javne površine treba da sadrži:

- ime i prezime, odnosno naziv firme i adresu podnosioca zahtjeva,
- naziv lokacije sa dimenzijama zauzeća dijela javne površine,
- rješenje nadležnog organa za obavljanje djelatnosti, akt o registraciji, odobrenje za građenje, ugovor za izvođenje ili opis djelatnosti koja će se obavljati na javnoj površini,
- vremenski period zauzimanja javne površine
- površina u m² koja se zauzima

Član 11.

Odobrenje za korištenje javne površine sadrži:

- ime i prezime, odnosno naziv firme i adresu podnosioca zahtjeva odobrenu lokaciju,
- opis, dimenzije, namjena, vrsta objekta, odnosno opis djelatnosti te urbanističko tehničke uslove za korištenje,
- površinu zauzete javne površine u m²,
- visina naknade za zauzetu javnu površinu,

- vremenski period na koji se odobrava korištenje javne površine.

„Korištenje javne površine može se odobriti na period najviše do četiri godine” " uz izuzetak, kada korisnik izvrši uplatu naknade unaprijed u cijelosti za odobreni period korištenja, može se produžiti za dodatni period ne duži od polovine već odobrenog perioda”.

Prije isteka važnosti rješenja o odobrenju korištenja javne površine stranka može tražiti izdavanje novog rješenja.

Član 12.

Sva prava i obaveze za korištenje javne površine utvrđuju se Rješenjem o korištenju općinskog organa Službe za stambenu komunalnu djelatnost, vodoprivredu i zaštitu okoliša Općine Bosanski Petrovac.

Član 13.

O izdatim odobrenjima nadležni organ vodi posebnu evidenciju.

Član 14.

Odobrenje za korištenje javne površine prestaje važiti i prije isteka vremena na koje je izdano u slučajevima:

1. ako korisnik ne koristi javnu površinu na način i u svrhe kako je određeno ovom Odlukom, odnosno odobrenjem za korištenje,
2. ako na javnoj površini obavlja djelatnost lica koje nije navedeno u odobrenju za korištenje,
3. ako koristi veću površinu od odobrene,

4.

ako se utvrdi da je korisniku javne površine pravosnažnom odlukom nadležnog organa zabranjeno obavljanje privredne djelatnosti navedene u odobrenju za korištenje.

Član 15.

Korisnici javnih površina dužni su se u svemu pridržavati uslova datih u odobrenju o korištenju javnih površina.

III URBANISTIČKO TEHNIČKI USLOVI

Član 16.

Za korištenje javne površine u svrhu izlaganja i reklamiranja roba i usluga ispred poslovnih objekata i prostorija ne može se odobriti na javnoj saobraćajnoj površini.

Član 17.

Mjesta na javnim površinama na kojima je odobreno postavljanje radi, formiranja ljetne bašte, bez obzira da li su sastavni dijelovi poslovnih prostorija ili nisu, moraju ispunjavati sljedeće uslove:

- mora se obezbjediti prostor koji ostaje za pješake
- javna parkirališta ne mogu se odobriti za postavljanje ljetne bašte,
- u površinu ljetne bašte uračunava se i površina živice, žardinjera ili druge ograde koja se postavlja uz rubove bašte,
- visina pokretne ograde ne može biti veća od jednog metra,
- ukoliko se prostor ljetne bašte nalazi djelimično ili u cijelosti na javnoj zelenoj površini, površina se mora zaštititi montažno-demontažnom podlogom,
- postavljanje ljetne bašte ne može se odobriti za poslovni prostor koji nema direktan ulaz sa javne površine, odnosno trotoara,
- po prestanku rada ugostiteljske radnje, kao i po proteku vremena određenog u rješenju za korištenje javne površine, mora se ukloniti sve što je bilo u funkciji ljetne bašte, a površina se mora privesti prvobitnoj namjeni u roku od 7 dana od dana prestanka rada, odnosno isteka roka,

Član 18.

U sklopu ljetne bašte mogu se postavljati tende uz odobrenje nadležnog organa. Tende mogu biti zglobne, rolovene i konzolne, a pokrivni materijal platno svih vrsta.

Član 19.

Mjesta na javnim površinama na kojima je odobreno postavljanje objekata tipa kiosk moraju ispunjavati sljedeće uslove:

- postavljanjem ovih objekata ne može se spriječiti ili otežati korištenje

zgrada ili drugih objekata i ugrožavati bezbjednost saobraćaja i pješaka,

- postavljanjem ovih objekata u blizini raskrsnice mora odgovarati bezbjednosti saobraćaja i ne može svojim položajem smanjiti preglednost i odvijanje saobraćaja (zaklanjati signalizaciju i sl.),
- objekti mogu biti tipski kao i montažno-demontažni, lake konstrukcije,
- objekti se mogu postavljati samo na mjesta na kojima neće dolaziti do prljanja javne površine i ometanja saobraćaja, te na kojima se neće umanjiti estetski i opći izgled tog mjesta.
- veličina, odnosno gabariti ove vrste objekata zavisit će od namjene i lokacije predmetnog objekta, a da po pravilu, ukupan korisni prostor iznosi do 12 m².

Korisnici ovih objekata su dužni objekte i neposrednu okolinu držati u čistom i urednom stanju, a za reklamiranje artikala koje nude ne mogu koristiti okolne objekte i površinu.

Prestankom važenja odobrenja za postavljanje objekata iz stava 1. ovog člana korisnik je dužan objekat ukloniti i teren dovesti u prvobitno stanje.

Član 20.

Pokretne tezge na kojima se prodaju srećke, razglednice, čestitke, knjige, cvijeće i drugi predmeti mogu se postaviti i na trotoarima samo u dane prigodnih svečanosti i praznika uz odobrenje nadležne Službe i isti mogu ostati na određenom mjestu samo za vrijeme tih dana.

Član 21.

Za korištenje javne površine u svrhu pripreme i distribucije hrane, prodaje kokica, pomfrita, sladoleda, kukuruza i drugih sličnih proizvoda koji se pripremaju na licu mjesta, prije pribavljanja odobrenja potrebno je prethodno pribaviti sanitarnu saglasnost.

Član 22.

Reklame, reklamne konstrukcije, reklamni panoi, reklamni svijetleći i drugi ormarići, jarboli zastava, oglasne ploče, oglasni stupovi, transparenti, zaštitne tende i ostalo

(u daljem tekstu "naprave") mogu se postavljati samo na osnovu odobrenja za postavljanje izdanog od strane nadležne Službe i odobrenje za građenje ako imaju preko 12 m² površine.

Izuzetno Služba može za određene manifestacije i druge prilike periodičnog karaktera dati odobrenje za privremeno postavljanje navedenih predmeta i objekata, ali se moraju ukloniti po prestanku razloga donošenja.

Član 23.

Posebne samostojeće objave za kratkotrajne manifestacije mogu se postaviti i na trotoare ili zelene površine uz naknadu i samo na osnovu odobrenja za postavljanje, izdanog od strane nadležne Službe.

Organizator ih mora ukloniti u naloženom roku ili će to učiniti nadležna inspekcija prinudnim putem o trošku organizatora.

Član 24.

Odobrenjem za postavljanje naprava iz člana 22. ove Odluke Služba će odrediti mjesto, način i vrijeme na koje se postavlja, obavezu i rok plaćanja kao i visinu naknade za postavljanje ovih naprava.

Prestankom važenja odobrenja za postavljanje naprava iz stava 1. ovog člana, korisnik je dužan iste ukloniti o svom trošku odmah od dana prestanka važenja rješenja-odobrenja.

U slučaju da korisnik istu ne ukloni učinit će to nadležna inspekcija prinudnim putem o trošku korisnika.

Član 25.

Službe za stambenu komunalnu djelatnost, vodoprivredu i zaštitu okoliša Općine Bosanski Petrovac, izuzetno zbog veličine i posebnih uslova postavljanja, može odrediti lokacije i uslove za postavljanje pojedinih tipova reklamnih objekata (panoi tipa Jumbo, City Light i sl.) koji će se dodijeliti putem konkursa. Najpovoljnijeg ponuđača na konkursu odabrat će komisija po ZJN.

Član 26.

Period korištenja reklamnih objekata iz člana 25. ne može biti kraći od jedne godine ni duži od tri godine.

Član 27.

Uz zahtjev za postavljanje objekata iz člana 22. ove Odluke potrebno je priložiti skicu lokacije sa ucrtanim položajem predmeta i

kopiju katastarskog plana, a ukoliko su ovi objekti osvjetljeni uz zahtjev se prilaže i elektroenergetska saglasnost te saglasnost vlasnika objekta sa kojeg se koristi električna energija.

Za veće reklamne konstrukcije i konzolne reklame koji se postavljaju na zemljištu prilaže se statički proračun i atest elektroinstalacija ukoliko je reklama svjetleća.

Član 28.

Ulice, raskrsnice, trotoari, parkinzi, zelene i ostale javne površine mogu se prekopavati radi postavljanja, uklanjanja, izmjene i opravke oštećenih podzemnih instalacija i uređaja samo pod uslovom da firma ili lice koje to zahtijeva dobije odobrenje od nadležne Službe.

Uz zahtjev za izdavanje odobrenja iz stava 1. ovog člana, podnosilac zahtjeva je dužan priložiti podatke o položaju podzemnih instalacija i dužine (površina) prekopavanja odnosno kopiju katastra plana podzemnih instalacija, te u zahtjevu mora naznačiti mjesto izvođenja radova i vrijeme potrebno da se ti radovi izvedu, s rokom početka i završetka izvođenja radova.

Ukoliko se radovi zbog kojih je prekopavanje izvedeno ne mogu izvesti u odobrenom roku investitor je dužan da zatraži produženje roka za prekopavanje.

Po dobivanju odobrenja za izvođenje radova na javnim saobraćajnim površinama izvođač radova će prije početka radova pribaviti saglasnost od policijske stanice za regulisanje saobraćaja.

Član 29.

Ukoliko se kolovoz prekopava po širini, prekopavanje se vrši po etapama tako da je jedna strana kolovoza uvijek osposobljena za odvijanje saobraćaja.

Ukoliko se radovi takve prirode ne mogu vršiti na način iz stava 1. ovog člana investitor je dužan u saglasnosti sa organima nadležnim za regulisanje saobraćaja ulicu zatvoriti, postaviti propisane oznake i radove obaviti u roku predviđenom u odobrenju za prekopavanje.

Izvođač radova je dužan da prilikom izvođenja radova obezbijediti nesmetan prilaz prodavnicama, školama i drugim javnim objektima.

Član 30.

Po završetku odobrenih radova iz člana 28. ove Odluke, izvođač je dužan odmah javnu površinu dovesti u prvobitno stanje i ukloniti sve otpatke sa površine na kojoj su se radovi izvodili.

Ukoliko bi se nakon izvjesnog vremenskog perioda a najkasnije u roku od 6 mjeseci od završetka radova na mjestu gdje su izvedeni radovi pojavilo vidljivo ulegnuće ili napuknuće površine koje ometa ili ugrožava saobraćaj, investitor je dužan da na zahtjev nadležnog općinskog organa otkloni o svom trošku uočene nedostatke.

IV NAKNADE ZA KORIŠTENJE JAVNE POVRŠINE

Član 31.

Za privremeno korištenje javnih površina plaća se naknada. Naknada je prihod budžeta općine, a sredstva od naplaćene naknade upotrebljavaju se namjenski za uređenje i održavanje javnih površina.

„Naknada se može platiti u cjelokupnom iznosu, za obračunski period koji je naveden u rješenju.”

Član 32.

Za korištenje javne površine u svrhu prodaje kokica, pomfrita, kukuruza i slično plaća se naknada za jedan mjesec kako slijedi:

1. naknada za I zonu 20,00 KM

Za korištenje javne površine u cilju prodaje sladoleda plaća se mjesečna naknada u iznosu od 30,00 KM u I zoni.

Tokom novogodišnjih manifestacija, kao i ostalih manifestacija koje se održavaju u toku godine, a kojima je organizator ili pokrovitelj Općina Bosanski Petrovac, odnosno njene ustanove, naknada za zauzimanje javnih površina za korištenje drvenih kućica u vlasništvu Općine Bosanski Petrovac iznosi:
Za lica koja obavljaju ugostiteljsku ili obrtničku djelatnost, te za registrirana udruženja:

- Naknada iznosi 55,00 KM po iznajmljenoj kućici za čitav period održavanja manifestacija.

Ukoliko zahtjev za korištenje drvene kućice s više otvora podnosi više lica navedenih u stavu 3 ovog člana, naknada za korištenje iznosi 20,00KM za svako lice pojedinačno.

Iznajmljivanje kućice i naknada za zauzimanje javne površine u periodu kada se ne provode aktivnosti iz stava 2 ovog člana iznosi 30,00 KM po danu korištenja jedne kućice.

Tokom održavanja manifestacija iz stava 3. tačka 1. ovog člana, licima koja obavljaju ugostiteljsku ili obrtničku djelatnost te registrirana udruženja i poljoprivredna gazdinstva, koja podnesu zahtjev za zauzimanje javne površine za korištenje drvenih kućica, mogu u izuzetnim slučajevima biti oslobođena od plaćanja naknade za korištenje drvenih kućica a što će im Općinski načelnik odobriti svojim Rješenjem.

Pod izuzetnim slučajevima se smatraju manifestacije koje su od posebnog značaja za Općinu, te se daje ovlaštenje Općinskom Načelniku koji će cijeliti koje su manifestacije od posebnog značaja.

Član 33.

Za korištenje javne površine objekata tipa kiosk koji služe za obavljanje djelatnosti, kao i drugih objekata ovakve vrste određuje se mjesečna naknada kako slijedi:

Za poslovne prostore:

1. naknada za I zonu 1,50 KM po m²
2. naknada za II zonu 1,00 KM po m²
3. naknada za III zonu 0,50 KM po m²

za garaže i drvarnice:

bez obzira na zonu 0,20 KM po m²

Član 33 a.

„Za postavljanje montažnog demontažnog objekta površine preko 12 m² plaća se mjesečna naknada:

1. naknada za I zonu u iznosu od 10,00 KM/m²
2. naknada za II zonu u iznosu od 5,00 KM/m²

Član 34.

Za korištenje javne površine radi formiranja ljetne bašte uz poslovne prostorije ili odvojene tende uz ljetne bašte i druge poslovne objekte i prostore plaća se mjesečna naknada:

1. naknada za I zonu 10,00 KM po m²

Član 35.

Za korištenje javne površine u svrhu organizovanja zabave za djecu (postavljanje ringišpila, dječijih autića), "kada organizator naplaćuje ulaz ili učešće", plaća se dnevna naknada u I zoni kako slijedi:

Za korištenje do 500 m² naknada iznosi 50,00 KM / dnevno

Za korištenje od 500 m² – 1000 m² naknada iznosi od 70,00 KM / dnevno

Za korištenje preko 1000 m² naknada iznosi 90 KM / dnevno

Za odlaganje viška zemlje, građevinskog šuta i drugog otpadnog materijala na određene deponije, utvrđuje se naknada u iznosu od 1,00 KM po kubnom metru deponovanog materijala.

"Naknada se ne naplaćuje za korištenje javne površine u svrhu organizovanja javnih okupljanja sportskog, edukativnog, duhovnog ili vjerskog karaktera, organizovanje promocija lokalnog karaktera (predizborni mitinzi, najavljeni protestni skupovi, prezentacije, degustacije, kulturne manifestacije i slično), kada organizator ne naplaćuje usluge".

"Za korištenje javne površine u svrhu postavljanja fasadne skele u toku trajanja građevinskih radova, plaća se naknada u iznosu od 10,00 KM /m² zauzete površine".

Član 36.

Za korištenje javne površine u svrhu izlaganja reklamnih proizvoda ispred trgovačkih radnji (izlaganje voća, povrća, tekstilne robe, igračka, saksije, humus i sličnih proizvoda) plaća se mjesečna naknada:

u I zonu 10,00 KM po m²

Naknada za postavljanje plakata, oglasa i sličnih objava utvrđuje se u iznosu:

1. Za plakate veličine do 0,5 m² naknada od 0,30 KM po komadu dnevno,

2. Za plakate veličine od 0,50 do 1,0 m², naknada od 0,50 KM po komadu dnevno,
3. Za plakate veličine preko 1,0 m², naknada od 0,80 KM po komadu dnevno.

Član 37.

Za prekopavanje javne površine radi postavljanja novih podzemnih instalacija plaća se naknada u iznosu 0,50 KM/m'

Član 38.

Za korištenje poligona za obuku vozača plaća se mjesečna naknada prema broju kandidata koji se od strane korisnika (auto-škole) u toku mjeseca obučavaju za upravljanje motornim vozilom i to:

1. po kandidatu za obuku za vozača "B" kategorije naknada u iznosu od 5 KM
2. po kandidatu za obuku za vozača "C" kategorije naknada u iznosu od 3 KM

Korisnik poligona (auto - škola) je dužan sklopiti Ugovor sa općinom Bosanski Petrovac kojim će se bliže regulisati prava, obaveze i odgovornosti u pogledu korištenja poligona.

Član 39.

Naknada za korištenje stupova javne rasvjete za postavljanje reklamnih panoa plaća se po 1m² 0,10 KM dnevno.

Član 40.

Zone koje su pomenute u ovoj Odluci za koje se plaćaju određene naknade odnose se na zone gradskog građevinskog zemljišta utvrđene Odlukom o komunalnim taksama i tarifi komunalnih taksi ("Službeni glasnik Općine Bosanski Petrovac" broj 9/19, 1/20, 9/21).

V NADZOR I UPRAVNE MJERE

Član 41.

Nadzor nad provođenjem ove Odluke vrše Općinski komunalni i urbanističko građevinski inspektor te komunalni redar svako iz svoje nadležnosti.

Član 42.

Prilikom obavljanja nadzora, službeno lice ima pravo i dužnost da od lica koje zatekne u korištenju javnih površina zatraži na uvid odobrenje o korištenju javne površine.

Član 43.

Korisnik objekta i predmeta koji je postavljen na javnoj površini bez odobrenja izdatog od strane nadležne Službe dužan isto ukloniti, odnosno javnu površinu prestati koristiti i istu dovesti u prvobitno stanje.

Kad organ nadzora utvrdi da korisnik javne površine nije postupio u skladu sa stavom 1. ovog člana, kao u slučaju kad nastupe okolnosti iz člana 14. ove Odluke ili kad utvrdi da se javna površina koristi suprotno odredbama člana 4. ove Odluke narediće pismenim rješenjem korisniku da prestane koristiti zauzetu javnu površinu i da je u određenom roku dovede u stanje prije početka korištenja.

Rok po rješenju iz prethodnog stava ne može biti kraći od 3 (tri) dana niti duži od 8 (osam) dana.

Ako korisnik javne površine ne postupi po rješenju iz prethodnog stava, organ nadzora odredit će da se potrebne radnje izvrše putem trećeg lica, a na teret korisnika koji nije izvršio rješenje u ostavljenom roku.

Član 44.

Svaku štetu učinjenu na javnoj površini kao i susjednim objektima, prilikom postavljanja objekata korisnik je dužan popraviti uspostavom ranijeg stanja ili ako to nije moguće dužan je nadoknaditi štetu.

Ako je došlo do oštećenja javne površine, uključuju se i troškovi dovođenja javne površine u prvobitno stanje.

Član 45.

U postupku uklanjanja bespravno postavljenih objekata na javnoj površini pored stvarnih troškova premještanja i čuvanja mogu se naplatiti paušalni iznosi troškova i to :

- 100 KM za premještanje,

- 10 KM dnevno po m² zauzete javne površine za uskladištenje.

Uklonjene predmete vlasnici su dužni preuzeti u roku od 30 dana uz namirenje nastalih troškova, a u suprotnom uklonjeni predmeti će se prodati na javnoj licitaciji radi podmirenja troškova.

VI KAZNENE ODREDBE

Član 46.

Novčanom kaznom od 1.000,00 KM do 3.000,00 KM kaznit će se za prekršaj pravno lice ako:

- javnu površinu koristi suprotno odredbama člana 4. ove Odluke,
- javnu površinu izdaje drugom licu,
- nakon isteka roka za korištenje javne površine ne ukloni tragove korištenja,
- započne korištenje javne površine prije nego pribavi odobrenje za korištenje i ne uplati određenu naknadu,
- javnu površinu koju koristi kao i objekte na njoj ne održava u uzornom redu i čistoći,
- na zahtjev nadzornog organa iz bilo kojeg razloga ne pokaže odobrenje za korištenje javne površine.
- Koristi javnu površinu više nego što je propisano

Za prekršaj iz prethodnog stava ovog člana kaznit će se i odgovorno lice u pravnom licu novčanom kaznom od 200-500 KM.

Za prekršaj iz stava 1. ovog člana kaznit će se i fizičko lice novčanom kaznom od 200--400 KM.

VII PRELAZNE I ZAVRŠNE ODREDBE

Član 47.

Odluka o privremenom korištenju javnih površina i visini naknade na području općine Bosanski Petrovac – prečišćen tekst urađen je na osnovu Odluke o izmjenama Odluke o privremenom korištenju javnih površina i visini naknade na području općine Bosanski Petrovac («Službeni glasnik Općine Bosanski

Petrovac», broj:04/19) i prečišćen tekst - Odluke o privremenom korištenju javnih površina i visini naknade na području općine Bosanski Petrovac («Službeni glasnik Općine Bosanski Petrovac», broj:09/19), Odluka o dopuni Odluke o privremenom korištenju javnih površina i visini naknade na području općine Bosanski Petrovac («Službeni glasnik Općine Bosanski Petrovac», broj:12/19); Odluka o izmjeni Odluke, broj:02/1-23-2801-2/19 od 26.12.2019. godine, o dopuni Odluke o o privremenom korištenju javnih površina i visini naknade na području općine Bosanski Petrovac («Službeni glasnik Općine Bosanski Petrovac», broj:10/21), u kojima je označen datum njihovog stupanja na snagu, a koje su danom stupanja na snagu ovog Prečišćenog teksta Odluke o izmjenama Odluke o privremenom korištenju javnih površina i visini naknade na području općine Bosanski Petrovac, prestaju da važe.

Član 48.

Ovlašćuje se Komisija za Statut i propise da utvrdi prečišćen tekst Odluke o izmjenama Odluke o privremenom korištenju javnih površina i visini naknade na području općine Bosanski Petrovac i istu objavi u «Službenom glsniku općine/opštine Bosanski Petrovac».

Član 49.

Ova Odluka stupa na snagu osmog (8) dana od dana objavljivanja u «Službenom glasniku Općine Bosanski Petrovac».

Broj: 02/1-27-2217-4/23

Datum:13.11.2023.g

Predsjednik komisije za Statut I propise

Esmir Brkković dipl.prav

II AKTA NAČELNIKA

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine FBiH“, br. 35/05), člana 27. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, br. 8/11), člana 14. i 21. Odluke o izvršavanju budžeta općine Bosanski Petrovac za 2022. godinu („Službeni glasnik općine Bosanski Petrovac“, br.16/22), člana 36. Odluke o držanju i zaštiti domaćih životinja, kućnih ljubimaca i postupanju sa napuštenim životinjama na području Općine Bosanski Petrovac broj: 02/1-20-531-14/22, od 05.08.2022. godine i člana 43. Statuta općine Bosanski Petrovac-prečišćeni tekst („Službeni glasnik općine Bosanski Petrovac“, br.7/08), Općinski načelnik donosi:

ODLUKU

I

Iz sredstava budžeta općine Bosanski Petrovac za 2023. godinu - ekonomski kod 614417 – subvencija za JP Veterinarska stanica za rješavanja problema pasa lotalica, odobrava se isplata u visini od 10.000,00 KM (slovima: deset hiljadak konvertibilnih maraka) za JP Veterinarska stanica d.o.o. Bosanski Petrovac za sprovođenje akcije za stabilizaciju populacije pasa lotalica u skladu sa članom 36. Odluke o držanju i zaštiti domaćih životinja, kućnih ljubimaca i postupanju sa napuštenim životinjama na području Općine Bosanski Petrovac broj: 02/1-20-531-14/22, od 05.08.2022. godine.

II

Sredstva iz tačke I ove Odluke uplatiti na žiro račun korisnika broj 1990450002071581, a korisnik će sredstva iz tačke I ove Odluke upotrijebiti na način definisan tačkom I ove Odluke. Izvještaj o utrošku sredstava dostaviti nakon isteka fiskalne godine.

III

Nadzor nad provođenjem ove Odluke vrši Komunalni inspektor Općine Bosanski Petrovac.

IV

Zadužuje se JP Veterinarska stanica Bosanski Petrovac, da u skladu sa članom 36. Odluke o držanju i zaštiti domaćih životinja, kućnih ljubimaca i postupanju sa napuštenim životinjama na području Općine Bosanski Petrovac broj: 02/1-20-531-14/22, od 05.08.2022. godine, a u skladu sa raspoloživim sredstvima, sprovede akciju za stabilizaciju populacije pasa litalica.

V

Ova Odluka stupa na snagu danom donošenja i ima se objaviti u „Službenom glasniku općine Bosanski Petrovac“.

Općinski načelnik

Dr.sci Mahmut Jukić

Broj: 06-20-594-10/23

Datum: 08.11.2023. godine

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine FBiH“, br. 35/05), člana 27. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, br. 8/11), člana 14. i 21. Odluke o izvršavanju budžeta općine Bosanski Petrovac za 2023. godinu („Službeni glasnik općine Bosanski Petrovac“, br. 1/23) i člana 43. Statuta općine Bosanski Petrovac-prečišćeni tekst („Službeni glasnik općine Bosanski Petrovac“, br. 7/08), Rješenja o odobravanju subvencije troškova vodosnabdijevanja najugroženijim kategorijama stanovništva na području općine Bosanski Petrovac, broj: 01-21-1091-1/20, od 02.06.2020.god., Spiska lica korisnika prava na tuđu njegu i pomoć, broj: 02/9-31-53-1950/22, od 22.08.2022. god. i 02/9-31-53-2431/23, od 21.08.2023. god., Općinski načelnik donosi:

ODLUKU

I

Iz sredstava budžeta općine Bosanski Petrovac za 2023. godinu - ekonomski kod 614411 – subvencija komunalnom preduzeću, odobrava se isplata subvencije troškova vodosnabdijevanja i odvoza smeća najugroženijim kategorijama stanovništva na području općine Bosanski Petrovac, za mjesec oktobar 2023. godine u iznosu od 236,36 KM (slovima: dvijestotinetridesetšestkonvertibilnihmarkakait rideset šestkonvertibilnihfeninga) preduzeću Komunalno d.o.o. Bosanski Petrovac. Subvencija se isplaćuje na osnovu Rješenja općinskog načelnika broj: 01-21-1091-1/20, od 02.06.2020. godine, spiskova JU centar za socijalni rad od 05.05.2020. godine, 22.08.2022. god. i 21.08.2023. god., te spiskova subvencija za naplatu komunalnog preduzeća broj: 512/2023, od 03.11.2023. godine.

II

Sredstva iz tačke I ove Odluke uplatiti na žiro račun korisnika broj 1990450002075170, a korisnik će sredstva iz tačke I ove Odluke upotrijebiti na način definisan tačkom I ove Odluke.

III

Ova Odluka stupa na snagu danom donošenja, a o njenom izvršenju starat će se Služba za finansije, budžet i računovodstvo.

IV

Ovu Odluku objaviti u „Službenom glasniku općine Bosanski Petrovac“.

Općinski načelnik

Dr.sci Mahmut Jukić

Broj: 03-11-415-14/23

Datum: 13.11.2023. godine

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine FBiH“, br. 35/05), člana 27. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, br. 8/11), člana 14. i 21. Odluke o izvršavanju budžeta općine Bosanski Petrovac za 2023. godinu („Službeni glasnik općine Bosanski Petrovac“, br.1/23) i člana 43. Statuta općine Bosanski Petrovac-prečišćeni tekst („Službeni glasnik općine Bosanski Petrovac“, br.7/08) i Zahtjeva za dodjelu sredstava Sportskom savezu Općine Bosanski Petrovac, Općinski načelnik donosi:

O D L U K U

I

Iz sredstava budžeta općine Bosanski Petrovac za 2023. godinu - ekonomski kod 614122 – transfer za Sportski Savez, odobrava se isplata tekućeg transfera za 2023. godine, u visini od 7.500,00 KM (slovima: sedamhiljadaipetstotina konvertibilnih maraka) za Sportski savez Općine Bosanski Petrovac u svrhu provođenja redovnih aktivnosti.

II

Sredstva iz tačke I ove Odluke uplatiti na žiro račun korisnika broj 1414775320000526, otvoren kod BBI banke, a korisnik će sredstva iz tačke I ove Odluke upotrijebiti na način definisan tačkom I ove Odluke.

III

Ova Odluka stupa na snagu danom donošenja, a o njenom izvršenju starat će se Služba za finansije, budžet i računovodstvo.

IV

Ovu Odluku objaviti u Službenom glasniku općine Bosanski Petrovac.

Općinski načelnik

Dr.sci Mahmut Jukić

Broj: 01-11-457-9/23

Datum: 13.11.2023. godine

SADRŽAJ:

I AKTI OPŠTINSKOG VIJEĆA

1. REZOLUCIJU o korištenju poljoprivrednog i šumskog zemljišta na području općine Bosanski Petrovac nad kojim je lokalna zajednica djelomično ili isključivo nadležna ili nad njim polaže neko stvarno pravo.....	1-2
2. R J E Š E N J E o imenovanju člana Komisije za izbor i imenovanje direktora i članova Upravnih i Nadzornih odbora JU i JP čiji je osnivač Općina/Opština Bosanski Petrovac-Jusuf Ramić..	2
3. Z A K L J U Č A K Opštinsko vijeće izražava svoje žaljenje što u ovom trenutku nije u mogućnosti da popuni u potpunosti sastav Komisije za izbor i imenovanje direktora i članova Upravnih odbora i Nadzornih odbora Javnih ustanova i Javnih preduzeća čiji je osnivač Općina/Opština Bosanski Petrovac.....	3
4. R J E Š E N J E o imenovanju člana Komisije ispred Općinskog/Opštinskog vijeća za dodjelu sušare na korištenje po Javnom pozivu.....	3-4
5. Z A K L J U Č A K. Usvaja se izvještaj Komisije za izlaganje podataka K .O. Medeno polje za mjesec oktobar broj: 04-27-1888-2/23 od 30.10.2023. g.....	4
6. O D L U K U o utvrđivanju prosječne konačne građevinske cijene 1m ² korisne stambene površine na području Općine/ Opštine Bosanski Petrovac za 2024. Godinu.....	4
7. O D L U K U o utvrđivanju vrijednosti boda za obračun komunalne naknade na području Općine Bosanski Petrovac za 2024. Godinu.....	5
8. Z A K L J U Č A K Vraća se Odluka o načinima i uslovima raspolaganja nekretninama u vlasništvu općine Bosanski Petrovac.....	5
9. Z A K L J U Č A K Informacija o izvršenju budžeta za period 01.01. – 30.09.2023. godine nije dobila potrebnu većinu glasova.....	6
10. Z A K L J U Č A K Opštinsko vijeće uvažava mišljenje Komisije za budžet i finansije koje je iznio na nastavku XXXI redovne sjednice predsjednik Komisije za budžet i finansije gospodin Jasmin M Mešić i prihvata ga kao svoje.....	6
11. Z A K L J U Č A K Opštinsko vijeće obzirom na činjenicu da je Nacrt budžeta Opštine za 2024. godinu vraćen na doradu, vraća na doradu i Nacrt Odluke o izvršavanju budžeta Općine/Opštine za 2024. godinu.....	6-7
12. Z A K L J U Č A K Prijedlog Pravilnika o izmjeni i dopuni Pravilnika o unutrašnjoj organizaciji Jedinственог općinskog organa uprave Općine Bosanski Petrovac broj: 01-11-2213-3/23 od 01.11.2023. godine, nije dobio potrebnu većinu glasova.....	7
13. Prečišćen tekst ODLUKE O PRIVREMENOM KORIŠTENJU JAVNIH POVRŠINA I VISINI NAKNADE NA PODRUČJU OPĆINE BOSANSKI PETROVAC.....	7-15

II AKTA NAČELNIKA

1. O D L U K U Iz sredstava budžeta općine Bosanski Petrovac za 2023. godinu - ekonomski kod 614417 – subvencija za JP Veterinarska stanica za rješavanja problema pasa lotalica, odobrava se isplata u visini od 10.000,00 KM za JP Veterinarska stanica.....	15
2. O D L U K U Iz sredstava budžeta općine Bosanski Petrovac za 2023. godinu subvencija komunalnom preduzeću, odobrava se isplata subvencije troškova vodosnabdijevanja i odvoza smeća najugroženijim kategorijama stanovništva na području općine Bosanski Petrovac, za mjesec oktobar 2023. godine u iznosu od 236,36 KM preduzeću Komunalno d.o.o.....	15-16
3. O D L U K U Iz sredstava budžeta općine Bosanski Petrovac za 2023. godinu - za Sportski Savez, odobrava se isplata tekućeg transfera za 2023. godine, u visini od 7.500,00 KM za Sportski savez.....	16

Uredila:

Ivana Kuburić

Viši referent za administrativno tehničke poslove OV-a